



越城縣廣勝寺

佛說恒水經

西晉三藏法師法炬譯

客

聞如是一時佛與大比丘僧諸弟子
 菩薩俱行到恒水諸天人鬼神龍
 人非人及初發道意者無央數各持
 華香伎樂皆從佛已到恒水施座
 而坐衆會皆定月十五日說戒時阿
 難從坐起正衣服前作禮以頭觸著
 佛足却長跪叉手白佛言諸弟子坐
 安定願佛可說戒經佛默然不應阿
 難還就坐甚久到夜半阿難復起前
 長跪叉手白佛言夜以半諸弟子坐
 皆安定願聞佛說經佛復默然不應
 阿難復還就坐大久鷄向欲鳴阿難
 復起前長跪叉手白佛言鷄欲鳴諸
 弟子願欲聞說佛戒經佛告阿難言
 人生死展轉五道以往來在世間甚
 大勤苦不自識知前世宿命本末者
 皆坐心意不端故人身甚難得已得
 人身佛經戒復難得值聞以得聞佛
 經戒信入佛道復難以入佛道守持
 經戒復難得佛欲說戒經今坐中有

恒水經 第二張 客字子

一弟子不能持佛戒經用是故佛不
 說戒經阿難白佛言我不知何所弟
 子不持佛戒經摩訶目軋連三昧徹視
 見不持戒弟子即起往至其前謂之
 言卿為佛作弟子不能持戒法是為
 捨棄之人不應與尊者共同坐席當
 起出不得復入衆中佛告摩訶目軋
 連汝好曉令出不持戒弟子即自慚愧
 出去佛告諸弟子善聽今說法諸弟
 子皆叉手言唯然受教佛言大海水
 有朝夕來往時不過故際還去亦不
 過故際諸弟子皆當端心正汝意還
 自視中表五歲思惟生死意勤苦當
 奉持戒經不當欲犯持五戒者還生
 世間作人持十善者得生天持二百
 五十戒者現世可得阿羅漢辟支佛
 菩薩佛泥洹大道以道以受人身當
 奉持經戒死死不當欲犯大如毛髮
 譬如海水朝夕來往時不敢過故際
 海中有七寶何謂七寶一者白銀二
 者黃金三者珊瑚四者白珠五者車
 渠六者明月珠七者摩尼珠是為海
 中七寶今佛道中亦有七寶佛言道

寶是也一者須陀洹二者斯陀含三者阿那含四者阿羅漢五者辟支佛六者發意念度一切菩薩七者佛涅槃大道是為七寶欲得道寶者皆當棄捐淫泆瞋恚愚癡持戒精進累積功德中外清淨自守無常高士如是海水不受惡露若有死人汗穢臭處不清潔者疾風吹著岸上今佛道中不受汗穢不持經戒惡人諸有犯經戒者乃牽辟出之辟如四輩鼠一者屋間鼠二者家中鼠三者野田鼠四者園圃中鼠屋間鼠不能居平地平地鼠不能居屋間野田中鼠不能居人家人家鼠不能居野田園圃中鼠不能出園圃中也不知食中饒聲故也人復有四輩何謂四輩一輩人端心正意持戒不犯欲得阿羅漢道二輩人者持戒精進欲得辟支佛道三輩人持戒學問明經智慧念度一切欲得佛道四輩人託名為弟子不能奉持明戒不欲學問心意猶豫恐不得道故是為前却弟子如是四輩鼠佛言諸弟子天下有五江東流一江字

沙祿南流一江字阿夷西流一江字恒北流一江字默徘徊中流名字為江轉流入海皆棄本名字當為海水佛言諸弟子有婆羅門種有利利種有工師種有田家種有乞人有若干輩各自道說言我種豪貴如愧富樂貧賤當如五江水入海若干輩為佛作弟子皆當棄本名字乃為是佛弟子耳安得復有貴賤自貢高先當教後知不得言我知道自憍貴不得言學久知經多不得言我所作意應道彼所作非作是者皆為犯戒不得入眾中也道法長幼相教護當相承用有未解經道者不得向說深事此為大過天下大雨水流入水溝水溝流入溪澗溪澗流入江江流入海中海水不增不減諸弟子學道須陀洹者有得斯陀含阿那含者有得阿羅漢者有得辟支佛者有得阿惟越致者有得佛涅槃道者來者去者佛道亦不增亦不減如海水不增不減也佛言海中有大魚一者長四千里二者長八千里三者長萬二千里四

者長萬六千里五者長二萬里六者長二萬四千里七者長二萬八千里學問不值明師安知天下有大道乎乘船遊於洿池源流安知天下有江海佛經如江海一切世間經書皆因佛經而出經難得再見聞當取諷誦讀却後數千萬億歲乃復有佛經戒耶日月星夜常有壞敗時奉行佛經戒無有壞滅時自今以後佛不復說經戒佛經戒甚重中有受持戒已違戒犯惡者頭破作七分故也佛說經訖諸弟子皆一心重持戒法諸天人鬼神龍皆起前以頭面著地為佛作禮而去

佛說恒水經

佛說恒水經

校勘記

- 一 底本，金藏廣勝寺本。
- 一 七四頁中二行譯者，**資**、**磧**、**南**、**徑**、**清**作「西晉沙門釋法炬譯」。
- 一 七四頁中八行第五字「正」，**資**、**磧**、**南**、**徑**、**清**作「整」。
- 一 七四頁中一一行「甚久」，**資**、**磧**、**南**、**徑**作「其久」。
- 一 七四頁中一三行「說經」，**資**、**磧**、**南**、**徑**、**清**、**麗**作「說戒經」。
- 一 七四頁中末行第五字「得」，**資**、**磧**、**南**、**徑**、**清**無。
- 一 七四頁下一三行第一一字「意」，**資**、**磧**、**南**、**徑**、**清**、**麗**作「甚」。
- 一 七五頁上一五行「食中饒聲」，**資**、**磧**、**南**、**徑**、**清**、**麗**作「倉中饒穀」。
- 一 七五頁上二二行「如是」，**資**、**磧**、**南**、**徑**、**清**作「如彼」。
- 一 七五頁中六行「如愧」，**資**、**磧**、**南**、**徑**、**清**作「如貴」。

- 一 七五頁中一七行至次行「學道須陀洹者」，**資**、**磧**、**南**、**徑**、**清**作「學得須陀洹者」；**麗**作「學道得須陀者」。
- 一 七五頁中一八行「斯陀舍」，**資**、**磧**、**南**、**徑**、**清**作「斯陀舍者」。
- 一 七五頁下四行「源流」，**資**、**磧**、**南**、**徑**、**清**、**麗**作「泉流」。
- 一 七五頁下八行首字「耶」，**資**、**磧**、**南**、**徑**、**清**、**麗**作「耳」。同行「星夜常有」，**資**、**磧**、**南**、**徑**、**清**、**麗**作「星宿常有」；**清**作「星宿常有」。